

CENTRALNA BANKA
BOSNE I HERCEGOVINE
Broj: UV-150- 01-1 -2071-7 /20 MM
Sarajevo, 05.11. 2020. godine

Na osnovu člana 70. stav (1) i (3) Zakona o javnim nabavkama („Službeni glasnik BiH“, 39/14), člana 49. stav (2) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (2), člana 43. stav (1) i člana 45. stav (1) Pravilnika o javnim nabavkama Centralne banke Bosne i Hercegovine, broj: UV-122-01-1-11/18 RJ od 30.01.2018. godine, Upravno vijeće Centralne banke Bosne i Hercegovine na 14. sjednici od 28.10.2020. godine, donosi

O D L U K U

o izboru najpovoljnijeg ponuđača u postupku javne nabavke robe – laptop računari – lot 2

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku robe – laptop računari – lot 2, putem otvorenog postupka, dodjeljuje ponuđaču R&S d.o.o. Vogošća, u svemu prema ponudi broj: 21137/20 od 24.09.2020. godine.

Član 2.

Ponuda ponuđača iz člana 1. ove odluke, iznosi:

18.740,00 KM bez uračunatog PDV-a
(slovima: osamnaest hiljadasedamstotinačetdeset konvertibilnih maraka i 00/100)

odnosno

21.925,80 KM s uračunatim PDV-om
(slovima: dvadesetjednahiljadadevetstotinadvadesetpet konvertibilnih maraka i 80/100)

Član 3.

Centralna banka će, po sticanju uslova za zaključenje ugovora u skladu sa Zakonom o javnim nabavkama, s izabranim ponuđačem iz člana 1. ove odluke zaključiti ugovor, za čije se izvršenje zadužuje Odjeljenje za informacione tehnologije Centralnog ureda Centralne banke Bosne i Hercegovine.

Član 4.

Centralna banka će o rezultatima provedenog postupka javne nabavke obavijestiti ponuđače koji su učestvovali u postupku javne nabavke.

Član 5.

Za realizaciju ove odluke zadužuju se Odjeljenje za informacione tehnologije Centralnog ureda Centralne banke Bosne i Hercegovine, Odjeljenje za javne nabavke Centralnog ureda Centralne banke Bosne i Hercegovine i Odjeljenje za računovodstvo i finansije Centralnog ureda Centralne banke Bosne i Hercegovine.

Član 6.

Ova odluka će se objaviti na web stranici Centralne banke Bosne i Hercegovine, www.cbbh.ba, istovremeno s upućivanjem obavještenja o rezultatima postupka ponuđačima koji su učestvovali u postupku javne nabavke, u skladu s članom 70. stav 6. Zakona o javnim nabavkama („Službeni glasnik BiH“, broj 39/14).

O b r a z l o ž e n j e

Postupak javne nabavke robe – desktop i laptop računari, putem otvorenog postupka, pokrenut je Odlukom o pokretanju postupka, broj: 150-15-4-886-2/20 SAK od 09.03.2020. godine. Ukupna procijenjena vrijednost nabavke je 200.854,00 KM bez PDV-a, a postupak nabavke je podijeljen po lotovima kako slijedi:

- a) lot 1 – desktop računari, procijenjene vrijednosti u iznosu od 183.760,00 KM,
- b) lot 2 – laptop računari, procijenjene vrijednosti u iznosu od 17.094,00 KM.

U skladu s navedenim, Centralna banka je 12.08.2020. godine na portalu Javnih nabavki objavila Obavještenje o nabavci broj: 1370-1-1-328-3-226/20 i Ispravku za obavještenje o nabavci broj: 1370-1-1-328-8-250/20.

U roku određenom za prijem ponuda, odnosno do 25.09.2020. godine do 10.00 sati, za lot 2, blagovremeno su dostavljene dvije ponude sljedećih ponuđača:

- R&S d.o.o., Vogošća,
- EMADO d.o.o. Sarajevo.

Komisija za provođenje postupka javne nabavke (u daljem tekstu: Komisija) je izvršila pregled i ocjenu dostavljenih ponuda te ustanovila da ponuda ponuđača **Emado d.o.o.** Sarajevo u *Obrascu za cijenu ponude – Aneks 2* ima računsku grešku. Komisija je putem Odjeljenja za javne nabavke tražila ispravku računске greške od navedenog ponuđača, s obzirom da je u Obrascu za cijenu ponude – Aneks 2 upisana ukupna cijena bez PDV-a 17.000,00 KM, popust na ukupnu cijenu 2.890,00 KM te ukupna cijena s popustom bez PDV-a 19.890,00 KM. Odjeljenje za javne nabavke se sa zahtjevom za ispravku računске greške obratilo ponuđaču EMADO d.o.o. i tražilo da prihvati ispravku računске greške, jer s obzirom na navedeni popust od 2.890,00 KM ukupna cijena ponude sa popustom bez PDV-a je 14.110,00 KM a ne 19.890,00 KM kako je navedeno u Obrascu za cijenu ponude – Aneks 2. Dana 30.09.2020. godine ponuđač je dostavio svoj odgovor u kojem je, između ostalog, naveo da je načinjena greška te da je na mjesto za popust upisan iznos PDV-a i da nema predviđenog popusta. Nadalje, ponuđač je naveo da cijena ponude iznosi 17.000,00 KM, popust 0,00 KM, PDV 2.890,00 KM, tako da ukupan iznos ponude iznosi 19.890,00 KM.

U Odjeljku F – DODATNE INFORMACIJE tačka 6. u tenderskoj dokumentaciji je navedeno: „ *Ugovorni organ će provjeriti računsku ispravnost ponude, ispraviti bilo koju grešku u ponudi koja je čisto aritmetičke prirode ukoliko se ista otkrije u toku ocjene ponuda. Kada izračuni vezani za pojedinačne stavke iz obrasca za cijenu ponude ili cijena ponude bez poreza na dodatnu vrijednost, navedeni u ispunjenom obrascu za cijenu ponude, ne odgovaraju metodologiji za izračun definisanoj u ovoj tenderskoj dokumentaciji, ugovorni organ ih ispravlja na način da je jedinična cijena osnov ponude koja se ne može mijenjati dok se sve ostale vrijednosti ispravljaju u skladu s osnovnim aritmetičkim postupcima. Ugovorni organ će ispraviti i druge računске greške u obrascu za cijenu ponude i obrascu za dostavljanje ponuda.*

Kada cijena ponude bez PDV-a izražena u obrascu za cijenu ponude (nakon ispravljene računске greške) ne odgovara cijeni ponude bez PDV-a izraženoj u obrascu ponude, važi cijena bez PDV-a izražena u obrascu za cijenu ponude.

Ugovorni organ će bez odlaganja dobavljaču uputiti zahtjev za potvrdu ispravke računске greške i može nastaviti s postupkom, s ispravljenom greškom, pod uslovom da je dobavljač to odobrio u roku koji je predvidio ugovorni organ. Ako dobavljač ne odobri predloženu ispravku, ponuda se odbacuje.“

S obzirom na navedeni odgovor ponuđača, Komisija je utvrdila da isti nije dao saglasnost za ispravku računске greške, te se njegova ponuda shodno naprijed navednoj odredbi odbacuje.

Komisija je nakon pregleda i ocjene ponude utvrdila da ponuda ponuđača R&S d.o.o. Vogošća ispunjava sve uslove iz tenderske dokumentacije i da je ista prihvatljiva.

S obzirom da vrijednost prihvatljive ponude iznosi 18.740,00 KM bez PDV-a, a procijenjena vrijednost nabavke za lot 2 iznosi 17.094,00 KM bez PDV-a, Odjeljenje za javne nabavke se obratilo Odjeljenju za

računovodstvo i finansije Centralnog ureda Centralne banke Bosne i Hercegovine s upitom da li postoje obezbjeđena sredstva za finansiranje predmetne nabavke.

U svom odgovoru Odjeljenje za računovodstvo i finansije Centralnog ureda Centralne banke Bosne i Hercegovine je navelo da su finansijska sredstva za predmetnu nabavku osigurana u Finansijskom planu Centralne banke Bosne i Hercegovine za 2020. godinu, u okviru Plana investicija u informatičku opremu.

Shodno naprijed navedenom, Komisija je u svom Zapisniku o pregledu i ocjeni ponuda broj: 149-15-4-1776-18/20 od 05.10.2020. godine i Izvještaju o radu Komisije s Preporukom broj: 149-15-4-1776-19/20 od 05.10.2020. godine, dala preporuku za donošenje odluke kao u dispozitivu.

Cijeneći sve naprijed iznesene činjenice i okolnosti, odlučeno je kao u dispozitivu ove odluke.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.

**Predsjedavajući
Upravnog vijeća Centralne banke
Bosne i Hercegovine**



**GUVERNER
dr. Senad Softić**

Dostaviti:

- guverneru
- viceguvernerima
- Uredu glavnog internog revizora
- sekretaru Uprave i Upravnog vijeća
- predsjedniku i članovima komisije
- Odjeljenju za informacione tehnologije
- Odjeljenju za računovodstvo i finansije (original)
- Odjeljenju za javne nabavke (original)
- u spis predmeta (original)